

Հավելված
Հաստատված է
ԵՊՀ գիտական խորհրդի
2022թ. փետրվարի 24-ի թիվ 7 նիստում

ԵՊՀ գիտական խորհրդի նախագահ
Հ. Հովհաննիսյան
«24» փետրվարի 2022թ.

Կ Ա Ր Գ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՇԽԱՏՈՂՆԵՐԻՆ ԱՇԽԱՏԱՆՔԻ ՈՐՈՇ ՏԵՍԱԿՆԵՐԻ
ԿԱՏԱՐՄԱՆ ՀԱՄԱՐ ՎՃԱՐՎՈՂ ԼՐԱՎՃԱՐՆԵՐԻ ՀԱՇՎԱՐԿՄԱՆ ԵՎ ՎՃԱՐՄԱՆ
(ՆՈՐ ԽՄԲԱԳՐՈՒԹՅԱՄԲ)

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Սույն կարգը սահմանում է Երևանի պետական համալսարանի (այսուհետ՝ ԵՊՀ) աշխատողներին աշխատանքի որոշ տեսակների կատարման համար վճարվող լրավճարների հաշվարկման և վճարման կարգն ու պայմանները:
- 1.2. ԵՊՀ աշխատողներին լրավճարը վճարվում է գիտահետազոտական, ուսումնամեթոդական, կազմակերպչական աշխատանքների որոշ տեսակների կատարման համար՝ սույն կարգով սահմանված ընթացակարգով և չափերով:
- 1.3. Սույն կարգով սահմանված լրավճարներ ստանալու համար պահանջվող տվյալները դիտավորյալ կեղծելու դեպքում, տվյալ աշխատողը զրկվում է սույն կարգի համաձայն լրավճար ստանալու իրավունքից՝ 3 տարի ժամկետով:

2. ԳԻՏԱՀԵՏԱԶՈՏԱԿԱՆ ԳՈՐԾՈՒՆԵՈՒԹՅԱՆ ՈՐՈՇ ՏԵՍԱԿՆԵՐԻ ԿԱՏԱՐՄԱՆ ՀԱՄԱՐ ՎՃԱՐՎՈՂ ԼՐԱՎՃԱՐՆԵՐԻ ՀԱՇՎԱՐԿՄԱՆ ԵՎ ՎՃԱՐՄԱՆ ԿԱՐԳԸ

- 2.1. ԵՊՀ աշխատողներին գիտահետազոտական գործունեության որոշ տեսակների կատարման համար վճարվում են լրավճարներ՝ համաձայն Աղյուսակ 1-ի.

Աղյուսակ 1

Հ/Հ	ԳԻՏԱՀԵՏԱԶՈՏԱԿԱՆ ԳՈՐԾՈՒՆԵՈՒԹՅԱՆ (ԱՇԽԱՏԱՆՔԻ)ՆԿԱՐԱԳԻՐԸ		ՄԻԱՎՈՐ ԱՇԽԱՏԱՆՔԻ ԳԻՆԸ (D-Ն) (ՀՀ ԴՐԱՄ)	ՄԵԿ ԱՇԽԱՏՈՂԻՆ ՀԱՍՏԱՆԵԼԻՔԼՐԱՎՃԱՐԻ ԶԱՓԸ ԵՎ ԴՐԱ ՎՃԱՐՄԱՆ ԿԱՐԳԸ
1.	Հոդվածի ¹ տպագրումը «Scopus» շտեմարանում ընդգրկված գիտական պարբերականներում համապատասխան քառորդներով (Quartiles) ըստ SJR(Scimago Journal & Country Rank) շտեմարանի	Q1 ²	440000	D-ն բաժանած ԵՊՀ աշխատակից համահեղինակների թվին
		Q2	330000	
		Q3	220000	
		Q4	110000	

¹ Կոլեկտիվ մենագրության գլխի (ենթագլխի), քարտեզի, արտոնագրի հրատարակումը համարել համապատասխան շտեմարանում ընդգրկված հոդվածին համարժեք:

² Գիտաժողովի նյութերի/conference paper/ հրապարակումը համարել համապատասխան շտեմարանում ընդգրկված հոդվածին համարժեք, եթե այն չունի համապատասխան քառորդ, սակայն ըստ SJR-ինդեքսի համապատասխանում է որևէ քառորդի ապա համարել նշված քառորդից:

2.	Հոդվածի տպագրում ազդեցության գործակցով գիտական պարբերականներում «Web of Science» (Journal Citation Reports)	220000	D-ն բաժանած ԵՊՀ աշխատակից համահեղինակների թվին
3.	Հոդվածի տպագրում «Web of Science»(Science Citation Index Expanded, Social Sciences Citation Index, Arts & Humanities Citation Index, Emerging Sources Citation Index) շտեմարաններում ընդգրկված գիտական պարբերականներում	110000	D-ն բաժանած ԵՊՀ աշխատակից համահեղինակների թվին
4.	Հոդվածի տպագրում «Web of Science» (Russian Science Citation Index) շտեմարանում ընդգրկված գիտական պարբերականներում (բացառապես ոչ բնագիտական մասնագիտությունների դեպքում)	110000	D-ն բաժանած ԵՊՀ աշխատակից համահեղինակների թվին
5.	Հոդվածի տպագրում «ԵՊՀ տեղեկագիր», «Բանբեր Երևանի համալսարանի» և «Հայագիտության հարցեր» գիտական պարբերականներում	60,000	D-ն բաժանած ԵՊՀ աշխատակից համահեղինակների թվին
6.	Հոդվածի տպագրում ԵՊՀ հրատարակած և ԲՈԿ-ի կողմից երաշխավորված գիտական պարբերականներում	30,000	D-ն բաժանած ԵՊՀ աշխատակից համահեղինակների թվին
7.	Հոդվածի տպագրում ՀՀ ԲՈԿ-ի կողմից երաշխավորված հայաստանյան գիտական պարբերականներում	20,000	D-ն բաժանած ԵՊՀ աշխատակից համահեղինակների թվին
8.	Սույն Աղյուսակի 1-6 կետերից որևէ մեկի պահանջներին բավարարող հոդվածի տպագրում արտասահմանյան ³ համահեղինակ(ներ)ի հետ	Աղյուսակի 1-6 կետերից որևէ մեկով սահմանված գումարին ավելացվում է 30000	D-ն բաժանած ԵՊՀ աշխատակից համահեղինակների թվին
9.	Մենագրության հրատարակում (ծավալը՝ առնվազն 5 տպագրական մամուլ և հրատարակված Web of Science գիտատեղեկատվական հարթակի գրքերի հղման ինդեքսի (Book Citation Index) հրատարակիչների ցանկում ներառված հրատարակչություններում) ⁴	300000	D-ն բաժանած ԵՊՀ աշխատակից համահեղինակների թվին
10.	Մենագրության հրատարակում (ծավալը՝ առնվազն 5 տպագրական մամուլ, հրատարակված անգլերեն լեզվով ԵՊՀ հրատարակչության կողմից) ⁵	150000	D-ն բաժանած ԵՊՀ աշխատակից համահեղինակների թվին

³ Արտասահմանյան է համարվում այն համահեղինակը, ով որպես աշխատանքի վայր նշել է արտասահմանյան գիտակրթական կազմակերպություն

⁴ Բառարանի հրատարակում համարժեք է մենագրության հրատարակմանը:

⁵ Բառարանի հրատարակում համարժեք է մենագրության հրատարակմանը:

11.	Դոկտորական ատենախոսության պաշտպանություն	450000	D-ն վճարվում է դոկտորական ատենախոսություն պաշտպանող աշխատողին
12.	Պաշտպանությունից առաջ վերջին երկու տարում ԵՊՀ-ում առնվազն 20 ամիս աշխատած հայցորդի (ասպիրանտի) ատենախոսության ղեկավարում	200000	D-ն վճարվում է հայցորդի (ասպիրանտի) ղեկավարին

- 2.2. Աղյուսակ 1-ի 1-9-րդ կետերով սահմանված գումարները վճարվում են ԵՊՀ այն աշխատողին, ով տպագրված հոդվածում որպես իր աշխատավայր նշել է ԵՊՀ-ն և հնարավորության դեպքում նաև ysu.am համացանցային տիրույթում գրանցված իր էլեկտրոնային փոստի հասցեն:
- 2.3. Աղյուսակ 1-ի 1-3-րդ կետերով սահմանված գումարները հումանիտար և հասարակագիտական ամսագրերի դեպքում հաշվարկվում են 20% ավելին (1.2 գործակցով):
- 2.4. Աղյուսակ 1-ի 5-6-րդ կետերով սահմանված գումարները այն պարբերականների դեպքում, որոնց խմբագրական խորհուրդներն ունեն առնվազն 50 տոկոս արտասահմանյան անդամ, հրատարակվում են անգլերեն լեզվով և հրատարակչական գործընթացը կազմակերպված է ամբողջապես էլեկտրոնային ձևաչափով հաշվարկվում են 20% ավելին (1.2 գործակցով):
- 2.5. Աղյուսակ 1-ի 1-7-րդ կետերով սահմանված գումարները վճարվում են հեղինակի կողմից նույն ամսագրում հրապարակված առավելագույնը երկու աշխատանքի համար:
- 2.6. Եթե հոդվածի հեղինակը որպես իր աշխատավայր նշել է մեկից ավելի կազմակերպություններ, ապա նրան վճարվում է հասանելիք գումարի կեսը:
- 2.7. Մի քանի կետերի համապատասխանող աշխատանքի համար հեղինակին վճարվում է գումարի առավելագույն չափ սահմանող կետով:
- 2.8. Աղյուսակ 1-ի 11-12-րդ կետերով սահմանված գումարները վճարվում են միայն ԵՊՀ հիմնական աշխատողներին:
- 2.9. Աղյուսակ 1-ում սահմանված աշխատանքների կատարման համար, ԵՊՀ աշխատողին վճարվող լրավճարի տարեկան առավելագույն չափը չի կարող գերազանցել 1800000 (մեկ միլիոն ութ հարյուր հազար) ՀՀ դրամը:
- 2.10. Աղյուսակ 1-ի 1-10-րդ կետերով սահմանված աշխատանքների համար լրավճարները վճարվում են ըստ եռամսյակների: ԵՊՀ գիտական քաղաքականության վարչությունը եռամսյակին հաջորդող ամսվա ընթացքում, հավաստիանալով ներկայացված փաստաթղթերի համապատասխանության մեջ, կազմում և ԵՊՀ ռեկտորի հաստատմանն է ներկայացնում ԵՊՀ աշխատողներին լրավճար տրամադրելու մասին հրամանի նախագիծը:
- 2.11. Աշխատանքների մասին տեղեկությունները պետք է մուտքագրվեն ԵՊՀ աշխատողների հաշվետվությունների էլեկտրոնային շտեմարան (intranet.ysu.am): Ընթացիկ տարվա աշխատանքները պետք է մուտքագրել ԵՊՀ աշխատողների հաշվետվությունների էլեկտրոնային շտեմարան (intranet.ysu.am) ոչ ուշ քան հաջորդ տարվա առաջին եռամսյակի ավարտը: 12-րդ կետով սահմանված աշխատանքների համար՝ պահանջվող փաստաթղթերը վերը նշված սկզբունքով առձեռն պետք է ներկայացվեն ԵՊՀ գիտական քաղաքականության վարչություն:
- 2.12. Աղյուսակ 1-ի 11-12-րդ կետով սահմանված աշխատանքները հաշվառելու համար ԵՊՀ հիմնական աշխատողը ԵՊՀ գիտական քաղաքականության վարչություն է ներկայացնում դիպլոմի կամ վկայականի պատճենը:

2.13. ԵՊՀ աշխատողները իրենց գիտական աշխատանքների մասին ամբողջական տեղեկատվությունը պետք է մուտքագրեն ԵՊՀ աշխատողների հաշվետվությունների էլեկտրոնային շտեմարան (intranet.ysu.am):

**3.ՈՒՍՈՒՄՆԱՄԵԹՈՂԱԿԱՆ ԳՈՐԾՈՒՆԵՈՒԹՅԱՆ ՈՐՈՇ ՏԵՍԱԿՆԵՐԻ ԿԱՏԱՐՄԱՆ
ՀԱՄԱՐ ՎՃԱՐՎՈՂ ԼՐԱՎՃԱՐՆԵՐԻ ՀԱՇՎԱՐԿՄԱՆ ԿԱՐԳԸ**

3.1. ԵՊՀ աշխատողներին ուսումնամեթոդական գործունեության որոշ տեսակների կատարման համար վճարվում են լրավճարներ՝ համաձայն Աղյուսակ 2-ի.

Աղյուսակ 2

Հ/Հ	ՈՒՍՈՒՄՆԱՄԵԹՈՂԱԿԱՆ ԳՈՐԾՈՒՆԵՈՒԹՅԱՆ (ԱՇԽԱՏԱՆՔԻ) ՆԿԱՐԱԳԻՐԸ	ՄԻԱՎՈՐ ԱՇԽԱՏԱՆՔԻ ԳԻՆԸ (Ծ-Ն) (ՀՀ ԴՐԱՄ)	ՄԵԿ ԱՇԽԱՏՈՂԻՆ ՀԱՄԱՆԵԼԻՔ ԼՐԱՎՃԱՐԻ ՀԱՇՎԱՐԿՄԱՆ ԵՎ ԴՐԱ ՎՃԱՐՄԱՆ ԿԱՐԳԸ
1.	ՀՀ ԿԳՄՄՆ կողմից երաշխավորված բուհական դասագրքի հրատարակում	300000	D-ն բաժանվում է ՀՀ քաղաքացի (համա)հեղինակների թվին
2.	ԵՊՀ-ում օտարալեզու կրթական մոդուլի ներդնում	1 կրեդիտին համարժեք արժեքը՝ 30000	D-ի և կրեդիտների արտադրյալը բաժանվում է (համա)հեղինակների թվին
3.	ԵՊՀ աշակերտական օլիմպիադա- ների կազմակերպում	Յուրաքանչյուր առարկայից մեկ օլիմպիադայի արժեքը՝ 75000 գումարած յուրաքանչյուր մասնակցի համար՝ 750	D-ն ֆակուլտետի դեկանի զեկուցագրի համաձայն բաժան- վում է կազմակերպիչների միջև
4.	ԵՊՀ ուսանողական օլիմպիադա- ների կազմակերպում	Յուրաքանչյուր առարկայից մեկ օլիմպիադայի արժեքը՝ 100000 գումարած յուրաքանչյուր մասնակցի համար՝ 1000	D-ն ֆակուլտետի դեկանի զեկուցագրի համաձայն բաժան- վում է կազմակերպիչների միջև
5.	Հանրապետական ուսանողական օլիմպիադաների կազմակերպում	Յուրաքանչյուր առարկայից մեկ օլիմպիադայի արժեքը՝ 100000 գումարած յուրաքանչյուր մասնակցի համար՝ 1000	D-ն ֆակուլտետի դեկանի զեկուցագրի համաձայն բաժան- վում է կազմակերպիչների միջև
6.	Միջազգային առարկայական ուսա- նողական օլիմպիադաներին ԵՊՀ ուսանողների նախապատրաստում և մարզում	Մեկ առարկայի համար՝ 450000	D-ն ֆակուլտետի դեկանի զեկուցագրի համաձայն բաժանվում է մարզիչների միջև

7.	ՈԻԳԸ-ի գիտական ղեկավարում	մինչև 150000	D-ն վճարվում է ֆակուլտետի ՈԻԳԸ-ի գիտական խորհրդատուին՝ ՈԻԳԸ ղեկավարման տարեկան հաշվետվությունը սահմանված կարգով հավանության արժանանալու դեպքում
----	---------------------------	--------------	---

3.2. Աղյուսակ 2-ի 1-ին կետով սահմանված աշխատանքի կատարման համար հատկացվող լրավճարը վճարվում է, եթե այդ աշխատանքը մինչև ընթացիկ տարվա օգոստոսի 31-ը մուտքագրվել է ԵՊՀ աշխատողների հաշվետվությունների էլեկտրոնային շտեմարանում (www.intranet.ysu.am):

3.3. Աղյուսակ 2-ի 2-7-րդ կետերով սահմանված աշխատանքները հաշվառելու համար աշխատողը մինչև ընթացիկ տարվա սեպտեմբերի 15-ը ԵՊՀ ակադեմիական/ուսումնական հարցերի գծով պրոռեկտորին է ներկայացնում կատարված աշխատանքների վերաբերյալ ֆակուլտետի ղեկանի զեկուցագիրը՝ կցելով համապատասխան հիմքերը: Աղյուսակ 2-ի 4-6-րդ կետերի հավաստման հիմք են հանդիսանում մասնակիցների մրցանակների մասին հիմնավորող փաստաթղթերը: Աղյուսակ 2-ի 6-րդ կետով սահմանված աշխատանքի համար ֆակուլտետը կարող է ներկայացնել առավելագույնը մեկ առարկայից կատարված աշխատանք:

3.4. Աղյուսակ 2-ի բոլոր կետերով սահմանված գումարները վճարվում են միայն ԵՊՀ հիմնական աշխատողներին:

3.5. Աղյուսակ 2-ում սահմանված աշխատանքների կատարման համար, ԵՊՀ աշխատողին վճարվող լրավճարի տարեկան առավելագույն չափը չի կարող գերազանցել 700000 (յոթ հարյուր հազար) ՀՀ դրամը:

3.6. ԵՊՀ ուսումնամեթոդական վարչությունը հավաստիանալով ներկայացված փաստաթղթերի համապատասխանության մեջ կազմում և ԵՊՀ ռեկտորի հաստատմանն է ներկայացնում ԵՊՀ աշխատողներին լրավճար տրամադրելու մասին հրամանի նախագիծը:

3.7. Աղյուսակ 2-ում սահմանված աշխատանքների կատարման համար ԵՊՀ աշխատողին լրավճարը վճարվում է յուրաքանչյուր տարվա դեկտեմբեր ամսվա ընթացքում:

4. ՈՒՍԱՆՈՂՆԵՐԻ ՀԱՐՑՄԱՆ ԱՐԴՅՈՒՆՔՆԵՐՈՎ ՎՃԱՐՎՈՂ ԼՐԱՎՃԱՐՆԵՐԻ ՀԱՇՎԱՐԿՄԱՆ ԿԱՐԳԸ

- 4.1. Ուսանողների հարցման արդյունքներով ԵՊՀ դասախոսներին անցկացվող մրցույթի արդյունքներով վճարվում է լրավճար՝ համաձայն 4.2.-4.4.-րդ կետերով սահմանված կարգի:
- 4.2. Յուրաքանչյուր ուսումնական կիսամյակ ուսանողների հարցման արդյունքներով մրցույթն անցկացվում է նախորդ ուսումնական կիսամյակի արդյունքների հիման վրա: Մրցույթին մասնակցում է միայն այն դասախոսը, ում գնահատել է առնվազն 25 ուսանող:
- 4.3. ԵՊՀ-ում ուսանողների հարցման արդյունքներով կազմակերպվող մրցույթի մասնակից դասախոսները բաժանվում են երեք ենթախմբի.
- ա) Առաջին ենթախմբում անցկացվող մրցույթին մասնակցում է այն դասախոսը, ում դիտարկվող ուսումնական կիսամյակում գնահատել է 25-50 ուսանող: Այս ենթախմբում մրցույթին մասնակցած և առավելագույն միավորներ ունեցող 30 դասախոսների (գումարած կիսանցողիկ միավորներ ունեցող դասախոսների թիվը) վճարվում է լրավճար՝ նրանց մեկ ամսվա դասախոսական աշխատավարձի 50 տոկոսի չափով:
 - բ) Երկրորդ ենթախմբում անցկացվող մրցույթին մասնակցում է այն դասախոսը, ում դիտարկվող ուսումնական կիսամյակում գնահատել է 51-100 ուսանող: Այս ենթախմբում մրցույթին մասնակցած և առավելագույն միավորներ ունեցող 25 դասախոսների (գումարած կիսանցողիկ միավորներ ունեցող դասախոսների թիվը) վճարվում է լրավճար՝ նրանց մեկ ամսվա դասախոսական աշխատավարձի 60 տոկոսի չափով:
 - գ) Երրորդ ենթախմբում անցկացվող մրցույթին մասնակցում է այն դասախոսը, ում դիտարկվող ուսումնական կիսամյակում գնահատել է 101 և ավելի թվով ուսանող: Այս ենթախմբում մրցույթին մասնակցած և առավելագույն միավորներ ունեցող 15 դասախոսների (գումարած կիսանցողիկ միավորներ ունեցող դասախոսների թիվը) վճարվում է լրավճար՝ նրանց մեկ ամսվա դասախոսական աշխատավարձի 70 տոկոսի չափով:
- Եթե սույն կետի «ա», «բ», «գ» ենթակետերի կիրառման արդյունքում ֆակուլտետի որևէ դասախոս չի ընդգրկվում լրավճար ստացողների ցանկում, ապա տվյալ ֆակուլտետում առնվազն 25 ուսանողի կողմից գնահատված և առավելագույն միավոր ունեցող մեկ դասախոսի վճարվում է լրավճար՝ նրա մեկ ամսվա դասախոսական աշխատավարձի 50 տոկոսի չափով:
- 4.4. Ուսանողների հարցման արդյունքում լավագույն ճանաչված համահամալսարանական ամբիոնի մեկ դասախոսի (գումարած կիսանցողիկ միավորներ ունեցող դասախոսների թիվը) վճարվում է լրավճար՝ նրա մեկ ամսվա դասախոսական աշխատավարձի 60 տոկոսի չափով:
- 4.5. ԵՊՀ ուսումնամեթոդական վարչությունը ամփոփում է ուսանողների հարցման արդյունքներով անցկացված մրցույթը և ԵՊՀ ռեկտորի հաստատմանն է ներկայացնում ԵՊՀ աշխատողներին լրավճար տրամադրելու մասին հրամանի նախագիծը:
- 4.6. Ուսանողների հարցման արդյունքներով ԵՊՀ աշխատողին լրավճարը վճարվում է յուրաքանչյուր տարվա հունիս և դեկտեմբեր ամիսներին: